


板圖水鑑笈

10712.5
156
112



江西水道考目錄

卷一

江水 九江府水道

卷二

贛水 南安府贛州府水道

卷三

贛水 贛州府寧都州吉安府袁州府瑞州府南昌府

卷四

贛水 南昌府撫州府建昌府廣信府饒州府南康府

江西水道考

目錄

資益館校印

卷五

贛水 彭蠡湖

18318

凡例

一江西水道古無專書若劉澄之鄱陽記鄧德明南康記張僧監尋陽記但志一方之水而仍未詳其源流江西通志山川一門彙集州縣志乘而分府條列綱維不明令讀者茫然無緒茲編依水經注之法提綱梳目而敘之俾十三府一州之水咸歸一線

一江西水道山溪十九間有遷徙不大相遠通志但載俗名其與古名之見於舊籍者人不辨爲何水茲編歷引各書分注其下古名今名不致疑混或有未詳別加按

江西水道考

凡例

一 資益館校印

語

一大江雖在九江一府之境而爲彭蠡湖水所歸湖水又爲贛水所會贛水又爲衆水所注自宜以江水爲經湖水爲緯湖水又以贛江爲經衆水爲緯巨細無遺脉絡庶幾分明

一贛水見山水二經乃江西全境諸水之總名也其源有三曰豫章水卽今之上猶江曰彭水卽今之池江曰湖漢水卽今之貢江三水皆贛水非贛縣之水名贛水也今人呼贛縣以下之水爲贛江相習已久幾若與上猶

江池江貢江分爲四水茲編特標贛水爲總目而贛縣
以上三水各用今名分叙閱者可以了然

一漢志以湖漢爲經流故九川皆言入湖漢水經注以豫
章水爲經流故九川皆言入豫章水衡以山海經贛出
聶都之文自以鄴注爲是故首志豫章江

一豫章江與池江貢江皆贛江之正源故皆用特書廬江
秀江錦江盱江上饒江脩河鄱江廬山河皆贛江之附
庸故用附書經流緯流各詳考以致其原委不同他水
之但据各書載入者所以尊漢志也

江西水道考

凡例

二

資益館校印

一名山古蹟爲水道所逕者必志亦水經注之例其已經
湮失或水道遷徙不逕其地者則不牽涉

一讀史方輿紀要爲論形勢之書水道乃其旁及茲編於
有關險要者全錄其文否則節取以備參考

一水道提綱一書志水最爲明晰茲編一以爲主惟全用
今名不足鑿考古者之胸故參据他書與相証明若他
書不及提綱之詳則專引提綱或各書大致相同者則
但錄最先之書

一水利興廢所關最鉅水經注所以載鄭白渠召父堰也

檢江西通志水利一門但列塘堰畝數而何水所溉全未詳及既無可徵不妨姑闕俟他日補之

一水道非圖不明今以水利無徵不爲全書故圖之目錄雖具而圖則待補

一水道以山爲主考工記所謂川在兩山之間也水流所向卽爲山脉所趨山脉停頓處又卽二水交會處也其水源所出之山則脉之直行者水必二面分流脉之突起者水必三四面分流水之源流既清則山之支幹易曉似宜仿山經之例將江西全境之山統敘一編以與

江西水道考

凡例

三

資益館校印

水道相表裏及檢通志各府山名但以州縣憲綱爲次不以山之脉絡爲次方向道里略而不具非得詳明一圖無可據以下筆故僅成水道考四卷而山志則俟另補

一九江彭蠡先儒各是其說茲亦略陳管見附諸篇末求正來者

水道圖

江西水道全圖

江水圖

豫章江圖

池江圖

貢江圖

盧江圖

秀江圖

錦江圖

江西水道考

圖

盱江圖

上饒江圖

修河圖

鄱江圖

廬山河圖

彭蠡湖圖

漢書地理志豫章郡水道圖

水經注贛水圖

禹貢漢水滙彭蠡圖

左傳豫章圖

江西水道考五卷先師 蔣子瀟先生遺稿之一也 先生歿於馮翊書院以未刊各稿授偉回紇之亂偉臥病在牀賊猝至家人負以逃室燬於火 先生遺稿遂燼焉此書先經沔陽彭君夢九借去幸不併歸一炬亂後擬卽醵金付梓而卷首圖幅未具尙非完本偉躬未親歷豫章弗敢鑿空補繪謹襲藏之以待熟諳江西水道形勢者同治十年歲在辛未四月長安門人柏景偉敬識

先生諱湘南光州固始縣人乙酉拔貢生乙未舉人銓虞

江西水道考

一一 寶益館校印

城縣教諭未赴任咸豐元年主講關中書院著書逾百卷有七經樓文鈔春暉閣詩鈔遊藝錄華嶽圖經卦氣表同州府志涇陽縣志均已刊行又著陝西通省志略二十卷未刊其稿存 易念園制軍處又有讀書日記十六卷讀道藏日記四卷讀釋藏日記四卷黃教源流四卷雜記小品二卷未刊其稿藏 先生家中未知尙存否偉所藏遺稿有蔣氏學算記八卷咸陽縣志四卷并燬於火此外不復記憶謹卽素所習知者縷述如右門人柏景偉又識

江西水道考卷一

江水

大江在江西省北界一名尋陽江西自湖北界來東流入江西九江府瑞昌縣界

讀史方輿紀要大江在瑞昌縣北三十五里對岸即湖廣廣濟

縣之武家穴也西接興國州東入德化界

宋志尋本水名在江北南流入大江漢因以名縣而江

遂得尋陽之稱

南岸為瑞昌縣西之汎灣塘江水逕其北而東北岸為湖

江西水道考

卷一

資益館校印

北廣濟縣界

按北岸有馬口湖水即水經注所云青林湖水出東陵鄉者也以非江西境中之水故不錄

又東得瑞昌水口楊林湖水自南來入之

水道提綱南岸有瑞昌水口即古溢水也今日楊林湖水西

出縣西界之赤顏山二源合東流經羊腸山南又東經縣城西南有小水北自城西來注之稍東經城南有白石巖水自西南來有羅家湖水自南來會又東北瀦為湖周二十餘里分為二流一西北流有白沙



渡水自西來會卽馬頭鎮之南水也又東北流入江北岸卽廣濟東與黃梅接界之新開口司也

又東入德化縣界北岸城子鎮與湖北黃梅縣接界有黃梅河合廣濟河自東北來入之

方輿紀要

城子鎮在九江府西四十里大江北岸德化縣界

水道提綱

黃梅河出黃梅縣西北龍坪山兩源合東南流有

孫家山水自東北來會曰古角河又南有老寺山水自西北來會折東南流經縣城東又西南流至黃連村有廣濟縣水自西來會又東南合一小水又西南

江西水道考

卷一

二

資益館校印

數十里入江 廣濟河二水一曰縣河出縣北橫岡山西南流經縣城東而西南有層峰山水自城西來會南流曰撻水河折東南流滙爲大洋迤而東北曰太白湖又北受東衝山水自東流出經雙城驛前又東至黃連村南與黃梅縣河會

又東南至九江府治西北有數洲渚

禹貢水道考異

九江府城北有數洲江濶二十里舟行其間有

內路外路之分江北岸爲外路南岸爲內路輿程記云九江府城稍西北五里地名官牌夾從江至龍坪

六十餘里遇大水時自夾中直上龍坪五十里而近
又東溢水自南來逕謝公隄入之

讀史方輿紀要

德化縣溢浦港在府城西半里源出瑞昌縣清
溢山亦名盆水流入境又東經城下西通龍開河北
接大江淵深不測昔爲商旅泊舟處俗傳昔人常洗
盆於此忽水漲有龍啣盆而去因名其入江處謂之
溢口自昔爲戍守處

水道提綱

溢口水卽瑞昌縣東南楊林湖東流經錦繡谷又
東北流至府城西境有小水自東南來會北入江亦

江西水道考

卷一

三

資益館校印

曰溢浦北岸亦德化界有柘港湖江磯湖諸小水

水利志

謝公隄地名泥沱嘴上爲龍開河官牌夾二水衝
激崩陷無常明嘉靖四十四年兵備道謝迪與樞關
戶部主事祖琚協謀築堤長半里許

又東逕九江府城北附郭德化縣治也九江鈔關在城西
城據庾樓磯沿江有李公隄北岸爲小池口

乾隆府廳州縣志

九江在德化縣城北今名尋陽江卽大江也
自湖北興國州界流入逕瑞昌及縣境北又東合彭
蠡湖水逕湖口彭澤二縣入江南境書禹貢九江孔

殷班固云尋陽九江在南皆東合爲大江應邵曰江自廬江尋陽分爲九

按禹貢九江之辨先儒紛如聚訟迄今尙無定說而尋陽九江見於班志固秦漢九江郡地也緣江圖云九江始於鄂陵終於江口會於桑落洲桑落洲在九江府城東北大江北岸是德化縣治正當九江之尾其九派分流處多在湖北境而所云烏白江嘉靡江等皆無從指驗其地故並不錄

九江鈔關在縣西二里明景泰初置戶部分司以權

江西水道考

卷一

四

香益館校印

商稅 本朝康熙二十年移駐湖口縣雍正元年移歸九江別設分司于大姑塘

水利志 李公隄卽庾樓磯隄明正德九年知府李從立登以石建亭其上故名嘉靖十一年知府馬紀重修

德化縣志 乾隆二十三年移城子鎮巡司駐小池口

方輿要紀 大江自富池驛而東又東南六十里經廣濟縣之龍平鎮又東南十里經黃梅縣之新開口鎮又東南五十五里卽九江府城也江流至此濶二十餘里波濤浩瀚謂之尋陽江舟行其間有內路外路之分亦

謂之九江也古稱溢口重鎮中流衿帶蓋府城當吳楚之要會不特江右安危視九江之緩急而上游之勢淮南江左禍福與共所謂地有常險者非歟

又東逕封郭洲隄南

方輿紀要

封郭洲隄府東北十里隆慶中邑令俞汝爲築隄自李家口起至小池口一帶綿亘三十餘里民田三萬六千畝及南昌九江蘄州之屯田皆藉此隄以捍濱江侵囓後漸圯萬曆三年增築三十六年又建石閘以爲蓄洩四十一年淫潦隄閘多崩壞兵備副使

江西水道考

卷一

五

資益館校印

葛寅亮修築隄閘高廣完固其後相繼營葺

又東逕桑落洲南

隆慶府志

桑落洲在縣東北過江十五里晉元興三年

劉裕遣何無忌等敗桓元將何澹之于桑落洲遂克溢口洲之西曰白茅灣與江南宿松接界梁承聖元年陳霸先自江南出溢口會王僧辨于白茅灣卽此圖經九江始于鄂陵終于桑落洲

又東稍北北岸與江南宿松縣接界南岸入湖口縣界江中有二大洲

水道 江中有大洲二曰梅家洲曰永和洲

彭蠡湖之水入之

水經 泗水與江台流又東過彭蠡澤

方輿紀要 彭蠡湖在湖口縣治西南湖合章貢二水及羣川

之流並注於大江縣當其委輸之處故以湖口爲名蓋噤喉之要也自縣而西則出尋陽而達湖廣自縣而南則逕南康而達會城湖中汊港不一捷出饒信徑抵臨川風帆出沒惟意所之而必以縣爲問塗之始杜佑曰彭蠡湖口故左里也卽晉義熙中劉裕敗

江西水道考

卷一

六

資益館校印

廬循處輿程記自縣入彭蠡湖經大孤青山至南康府共百二十里又二百五十里至南昌府自縣而東南渡湖抵饒州凡三百七十里

又東逕湖口縣城北

乾隆縣志 唐武德五年分彭澤置湖口成南唐保大中

升爲縣

又東北流北岸有龍湖水北自宿松縣境來入之又東太平關水自南來入之

水道提綱 水自縣北之二郎河南流經城西而南分爲二派

一南流與西自黃梅來一水會渚爲龍湖廣二十里
又東流入江江口有二小洲相連

又東過彭澤故城入彭澤縣界

方輿紀要

彭澤故城在湖口縣東三十里漢彭澤縣蓋置於

此

又東逕彭澤縣城西北有峩眉洲龍船洲得勝洲

方輿紀要

峩眉洲在縣北洲有港細曲如眉其西北有龍船

洲又得勝洲在縣西

江中有小孤山濱岸有彭浪磯

江西水道考

卷一

七

資益館校印

寰宇記

小孤山高三十丈周迴一里在台城西北九十里

孤峯聳峻半入大江

方輿紀要

小孤山舊時峙江北岸與南岸羣山對峙爲控扼

處元天歷中立鐵柱於山上長三丈有奇曰海門第一關江流經此湍急如沸明成化二十年江水忽分流於山北流日益廣自是屹立中流大江澎湃環於四面山有石級百十有一紆回而上巖林泉石頗饒勝致其南下曰彭浪磯踰爲馬當山北下爲蛾眉洲與小孤相映帶彭浪磯在縣北聳立江濱與小孤山

相對俗譌爲彭郎遂有小孤嫁彭郎之語

又東有泊湖水自東南來入之

水道 大泊湖在彭澤縣東境袤延曲折數十里西會東

南來之水北入江

方輿 大泊湖縣東北五十里通東流縣之香口鎮支流

爲天井沈灣諸小湖中有鶴山雙峯聳峙脈接浩山湖西又有船山以山如船形也

又東北有大洲又東北南岸受一小水中有洲又北逕馬當山入江南界

江西水道考

卷一

八

資益館核印

寰宇 馬當山橫枕大江山象馬形迴風急擊波浪涌沸

爲舟船艱阻山腹在江中山際立馬當山廟

水道 大江於江西經四縣境五百里

方輿 大江自九江府城而東六十里經湖口縣城北湖

口江西之際吭也彭蠡之水自縣西南二十里注於大江環城而北出故縣以湖口爲名又東北六十里經彭澤縣西北二里江流至此益折而北江心有小孤山與宿松縣分界江濱又有馬當山與東流縣分界小孤馬當皆江津之險也自彭澤而東北凡百二

十里至望江縣之雷港口蓋江南江西湖廣三省之地犬牙相錯濱江環峙爲設險處

附錄方輿紀要總論九江

九江卽大江也在九江府城北其上流自湖廣興國州東流入瑞昌縣界又東南流北岸爲湖廣黃梅縣之新開口鎮東南流六十里經府城東北之尋陽驛又六十里爲湖口縣之彭蠡驛又東北六十里爲彭澤縣之龍城驛又百十里卽江南望江縣之雷港驛也亦曰尋陽江蓋大江之隨地易名耳禹貢九江孔

江西水道考

卷一

九

資益館校印

殷又曰過九江蓋今之洞庭湖而說者以爲在尋陽司馬遷曰余南登廬山觀禹疏九江淮南王安曰禹鑿江而通九路班固曰九江在尋陽南東合大江應劭曰江自廬江尋陽分而爲九鄭元曰江至尋陽分爲九道郭璞江賦源二分於岷嶽流九派於尋陽尋陽地記禹疏九江一烏白江二蟬江三烏江四嘉靡江五畎江六源江源一作沙七廩江八隄江九箇江張須元緣江圖云一三里江二五州江三嘉靡江四烏土江五白蟬江六白烏江七箇江八沙提江九廩江

參差隨水短長或百里或五十里始於鄂陵終於江口會於桑落洲張僧監曰九江一名白馬江去州五里是大禹所鑿九江分流三百餘里至桑落洲合流孔穎達曰大江分爲九江猶大河分爲九河賈耽曰江有八洲與江爲九宋白曰九江在江州西北二十五里晁公武曰九江一水而名九者猶太湖一湖而名五湖昭餘祁一澤而名九澤耳又劉歆言九江者湖漢九水入彭蠡澤也酈道元則云自沔口以下有湖口水加湖江水武口水烏石水舉水巴水希水蘄

水利水皆南流注於江皆可傳合九江之說宋曾氏云豫章之川如彭水鄱水塗水之類凡九合於湖漢東至彭蠡入江九江之名或取諸此蓋傳疑久矣今府治後百餘步有庾公樓其磯石突出江千百許步爲岷嶓以下滔滔東流之少駐自六朝以來州常爲中流雄鎮得其人守之未易越尋陽一步也至於江中洲嶼節節有之自舟行附南岸者謂之內路附北岸者謂之外路宋晉安王子助將劉胡自鵠尾敗還尋陽於江外夜趨沔口蒼梧王初以黃門郎王奂鎮